

Oqaluuserisassanut nassuiaat.

(Inatsisartut Siulittaasuut)

Inatsisinut Ataatsimiititaliaq qinnuteqarpoq oqaluuserisassani immikkoortut 62, 111 aamma 138 kinguartinneqarnissaannik. Immikkoortut pineqartut ullumi aappassaaneerneqartussaagalarput. Immikkoortut maanna ulloq 25. november aappassaaniigassannqortinneqarput. Immikkoortut pineqartut qulequtaraat:

Imm. 62: Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut tunngaviusumik inatsisissamik piareersaasussanik ataatsimiititaliussasut.

Imm. 111: Tunngaviusumik inatsisissamik piareersaanermi ataatsimiititaliamik pilersitsinissamik UKA2011 Inatsisartut isumaqatigiittut Naalakkersuisunut suliaqartussasut aallarnisaqqinneqarnissaannik nalunaarusiamillu suliaqarnerup naammassineqarnissaannik Naalakkersuisut suliaqartussasut Inatsisartut aalajangiiffigisassaattut siunnersuut.

Imm. 138: Kalaallit Nunaata Tunngaviusumik Inatsisissaannik suliaqartussamik isumalioqatigiissitamik kingusinnerpaamik 2016-ip naalernerani Naalakkersuisut pilersitseqqullugit peqquneqarnissaannik Inatsisartut Aalajangiiffigisassaattut siunnersuut.

Inatsisinut Ataatsimiititaliaq taamatuttaaq qinnuteqarpoq oqaluuserisassani immikkoortup 109 suliarineranut piffissaqarnerunissaminik.

Imm. 109: Akileraartarnermut Oqartussaasut ataanni immikkoortortaqarfimmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroorartunik niuerniartarnermut attuumassuteqartup, paasineqarnissaannik siunertaqartussamik pilersitseqqullugit Naalakkersuisut peqquneqarnissaannik siunnersuut, tamanna pissaaq akileraarusuineri annertunerusumik suliniuteqarneq aqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisunik unioqutitsilluni pissarsiaasimasut paasineqarsinnaaqullugit.

Immikkoortoq ulloq 19. november aappassaaneerneqartussaagalarpoq.

Aappassaaneerinninnissaq maanna novembarip ulluisa 26-annut kinguartinneqarpoq.

Naalakkersuisut qinnuteqarput oqaluuserisassani immikkoortoq 19-ip pingajussaaneerneqarnissaata kinguartinneqarnissaannik.

Imm. 19: Uunga siunnersuut: Pilersaarusiortarneq aamma nunaminertat atorneqartarnerat pillugit Inatsisartut inatsisaata allannqortinneqarneranik Inatsisartut inatsisaat nr. xx, uu. qqqq 201x-meersoq.

Immikkoortoq ullumi pingajussaaneerneqartussaagalarpoq. Immikkoortoq maanna ulloq 25. november pingajussaaniigassannqortinneqarpoq.

Ilaasortat uku akornanni taasisarnerit pillugit isumaqatigiissuteqartoqarpoq:

Nikolaj Jeremiassen, Siumut aamma Kalistat Lund, Inuit Ataqatigiit

Steen Lynge, Atassut aamma Per Rosing-Petersen, Partii Naleraq